

Falta dos dia mas pa e prome actividad di Biblioteca Nacional di 2020

ORANJESTAD (AAN): Biblioteca Nacional kier a manda un recordatorio pa nan prome actividad di 2020, cu ta bay ta un actividad gratis interesante riba Diaranson 22 di Januari.

'Pa un Bon Comienzo di aña 2020' ta bay ta di 6.30 di anochi te cu 9.30 di anochi.

E programa multidisciplinario ta wordo presenta pa Biblioteca Nacional y Departamento di Cultura.

"Nos ta bay tin un programa dedica na e islanan ABC, esta Aruba Bonaire y Corsow, cu enfoka riba

Papiamento/Papiamentu". "Ta un tipo di rescate di memoria, ya cu nos ta bay recorda un siglo y mas", Mirto Lacle a trece dilanti. El a splica tambe cu durante e programa lo tin un enfoka riba diferente disciplina, entre otro Literatura, Arte, Cultura, Linguistica y Educacion en general. Lo tin presentacion di charla, musica, declamacion y sketch.

Lo enfoca sigur riba Padu Lampe, Hubert Booy y mas

E programa lo consisti di algun orador, entre otro

Sidney Joubert for di Corsow cu lo hiba un charla tocante Comision principal di ortografia di Papiamento di Siglo XX, lo presenta e buki 'E cuentanan di Nanzu' pa Nilda Pinto Jesurun version Papiamento-Ingles y lo enfoca riba 2 obra di Pierre Antoine Lauffer.

Lacle a splica tambe cu lo pone enfoka riba personanan significante riba tereno cultural cu a nace na 1918-1919-1920.

Pues ta trata di Recuerdo di mas cu un Siglo. Lo continua cu Rescate di Memoria, pasobra abo tambe ta



conta.

Lo tin tributo na memoria di Tony Thijsen, Embahador Musical Arubano nacional y internacional.

Entrada ta bay ta gratis.

Durante e conferencia di prensa Ronny Kock a splica cu e tabata hunto cu Tony Thijsen hopi trempan.

"Mi ta corda bon cu Tony tabata un icono di nos pueblo di Aruba y di Antil-

las".

"Tony a representa Aruba na varios pais y el a toca tambe na Hulanda".

"Aki na Aruba mi a toca hunto cune y nos a toca entre otro pa Reina Beatrix", según Kock, kende a sigui bisa cu den su tempo tabata un genio y un tremendo artista tocando diferente instrumento, mientras cu den cantamento e tabata canta tur e voznan.